


ՀԱՆԴԻՍԱՎՈՐ ՆԻՍՏ ՆՎԻՐՎԱԾ ԱՆՎԱՆԻ ԳԻՏՆԱԿԱՆ
ԷԴՄՈՆԴ ՇՅՈՒՑԻ ՍՆՆԴՅԱՆ 80-ԱՄՅԱԿԻՆ

1996 թ. նոյեմբերի 1-ին ՀՀ Գիտությունների Ազգային Ակադեմիայում տեղի ունեցավ հան-
դիսավոր նիստ, նվիրված ՀՀ Ակադեմիայի արտասահմանյան անդամ, հունդարացի ականավոր
գիտնական, նշանավոր արևելագետ ու հայագետ էդմոնդ Շյուցի ծննդյան 80-ամյակին, Բա-
ցելով նիստը Ակադեմիայի պրեզիդենտ Ֆ. Սարգսյանն ասաց. Ակադեմիայի հրավերով այսօր
մեզ հետ է մեր Ակադեմիայի արտասահմանյան անդամ էդմոնդ Շյուցը: Անգնահատելի է
նրա դերը հայագիտության զարգացման գործում: Լինելով մեր ժողովրդի պատմության ու



մշակույթի լավագույն գիտականերից մե-
կը, նա մեծ ջանքեր է գործադրում մի-
ջազգային և հատկապես Հունգարիայի
գիտական հասարակայնությանը ծանո-
թացնելու համար հայ ժողովրդի դարա-
վոր պատմության ու մշակույթի հետ:

Ցանկանալով հյուրին ամենայն հա-
ջողություն և արգասավոր գիտական գոր-
ծունեություն, պրեզիդենտը ղեկուցման
համար խոսքը տալիս է ՀՀ ԳԱԱ ակա-
դեմիկոս-քարտուղար Վր. Բարխուդար-
յանին:

Ականավոր պատմաբան ու բանա-
սեր, գիտական բազմաթիվ աշխատու-
թյունների հեղինակ էդմոնդ Շյուցի ա-
նունը լայնորեն հայտնի է ինչպես Հուն-
գարիայում և Հայաստանում, այնպես
ևլ արտասահմանի շատ երկրներում, ա-
սաց ղեկուցողը:

Է. Շյուցը ծնվել է Բուդապեշտում,
մտավորականի ընտանիքում: Ստանալով
պատմաբանի ու բանասերի մասնագի-
տություն նա հաջողությամբ դրադվում
է ինչպես Հունգարիայի, այնպես էլ

Գերմանիայի, Հարավային Ռուսաստանի ու Հյուսիսային Կովկասի հին բոլոր գեղերի
(հուներ, ալաններ, խաղարներ) պատմության հարցերով: Պրոֆեսոր է. Շյուցը հանգամանորեն
ուսումնասիրել է նաև միջնադարում Արևելյան Եվրոպայի երկրներում հիմնված հայկական
զաղթավայրերի պատմաէթնիկական ու լեզվամշակութային հարցերը:

Հունգար հայագետը առանձնահատուկ ուշադրություն է դարձրել ղվիչաղերնի պատմության
հարցերին: Եվ դա պատահական չէ: Հայագիտության համար կարևոր նշանակություն ունի
հայկական տառերով գրված օտարալեզու բնագրերի ուսումնասիրության հարցը: Այդ խնդրին
է. Շյուցը նվիրեց փայլուն հոգիվածներ ու աշխատություններ: Մի շարք հոգիվածներից պատ-
անվանի գիտնականը հրատարակել է «Հաղիչաղ մի տարեգրություն...» արժեքավոր աշխա-
տությունը, որը մեծ հետաքրքրություն առաջացրեց պատմաբանների, հատկապես հայագետ-
ների, սլավոնագետների և թուրքագետների շրջանում: Հաղիչաղ այդ տարեգրությունը, լացի
ուղղաբաղական իրադարձություններից, հարուստ տեղեկություններ է պարունակում նաև
տեղի հայության առերադնտեսական կյանքի վերաբերյալ: Գիտնականը շնորհակալ գործ
է կատարել նաև ղվիչաղերների բերականության ուսումնասիրության ուղղությամբ:

Մեծ է է. Շյուցի մանկավարժական վաստակը: Երեք տասնամյակից ավելի է, որ նա Բուդապեշտի համալսարանի կովկասագիտության բաժնում արևելագիտություն և հայագիտություն է դասավանդում, հայոց լեզվի դասընթացներ վարում:

Է. Շյուցը դրսաշխարհի ամենից գործունյա և ճանաչման արժանացած հայագետներից է: Նա հայոց պատմության ու մշակույթի յուրօրինակ քարոզիչն է արտասահմանում: Շյուցը գործունե մասնակցություն է ունեցել հին և միջնադարյան Հայաստանի պատմության, լեզվի և գրականության արդյունքների նվիրված շատ միջադրյունների գիտաժողովներին:

Հունգարիայի և Հայաստանի Գիտությունների Ակադեմիաների միջև բազմաթիվ դարից ավելի է ինչ ներկրոյմանի պայմանագրով ստեղծվել է լայն համագործակցություն: Հասարակական գիտությունների ասոցիացիում փոխշահավետ այդ համագործակցությունն իր մարմնավորումը գտավ համատեղ ուժերով իրականացված «Հայ-հունգարական պատմական և մշակութային կապերի պատմությունից» ստվարածավալ ժողովածուի հրատարակումը (1983 թ.): Ժողովածուն բացվում է է. Շյուցի ընդարձակ հոդվածով, ժողովածուի ստեղծման գաղափարը, յրրի պատրաստումն ու հրատարակումը իրականացել է նրա ջանքերի շնորհիվ:

Նկատի ունենալով հայագիտական մեծ վաստակը, ՀՀ ԳԱԱ 1990 թ. է. Շյուցին ընտրեց Ակադեմիայի արտասահմանյան անդամ:

Վերջին տարիներին ևս նա երիտասարդական ավյունով շարունակում է հայագիտական իր գործունեությունը: Հիշատակության արժանի են հատկապես «Հայագիտության նշանակությունը Հունգարիայի պատմության համար» (1991 թ.), «Կիլիկյան Հայաստանը և խաչակիրները» (1995 թ.), «Պատմական և գրականագիտական դուզահաններ միջնադարյան Հայաստանում և Հունգարիայում» (1996 թ.), «Ամստերդամի հայկական տպարանի հունգար տպագրիչը» (1996 թ.) ծավալուն հոդվածները և այլն:

Ականավոր գիտնական էղմոնդ Շյուցին մաղթում ենք քաջառողջություն և նոր հաջողություններ:

Էղմոնդ Շյուցի անունը, — ասաց ՀՀ ԳԱԱ ակադեմիկոս Գ. Գալույանը, — չի կարելի տալ առանց խոր ակնածանքի: Նա մեկն է եվրոպական երկրների ոչ մեծ թվով այն հայագետներին, որոնք սրբախոսական բարձր մակարդակով, հայերենի խոր իմացությամբ սրտագանգում են հայ մշակույթը, այլև իրենց անդհադադան ավանդն են ներմուծում հայագիտության զարգացման գործում: Նա հայ մշակույթի հետազնն է Հունգարիայում և հունգար մշակույթինը՝ Հայաստանում: Կամրջելով մեր երկու ժողովուրդների գրական ու պատմական կապերը, նա ջանք չի խնայում հունգարական աղբյուրները ծառայեցնելու հայագիտության զարգացմանը: Ավելի բան երկու տասնամյակ է ինչ ՀՀ ԳԱԱ և Հունգարիայի Ակադեմիայի միջև գիտական բնագավառում կոպեր են իրականացվում: Էղմոնդ Շյուցի ծառայությունները շատ մեծ են դրանում: Գնահատելի են նրա ձգտումներն ու ջանքերը՝ Հունգարիայում երիտասարդ հայագետներ պատրաստելու ուղղությամբ:

Իր պատկանելի տարիքը չի խանգարում նրան՝ երիտասարդական ավյունով շարունակելու հայագիտական պրոպագանդան: Նա ցանկանում է քաջառողջություն մեծ հայասերին ու հայագետին և մեծ հաջողություններ նրա ստեղծագործական ծրագրերի իրականացման գործում:

«Պատմա-բանասիրական հանդեսի» խմբագրական խորհրդի և աշխատակիցների կողմից կողմից շնորհավորում են ականավոր գիտնական, արևելագետ և հայագետ էղմոնդ Շյուցի ծննդյան 80-ամյակը: Մենք ինչ ծանոթներ ու բարեկամներ ենք, — ասաց ՀՀ ԳԱԱ «Հանդեսի» խմբագիր, ակադեմիկոս Մ. Գ. Ներսիսյանը, — Դեռ տասնյակ տարիներ առաջ անվանի պատմաբանի ու բանասերի հոգոված հրապարակվեց մեր «Հանդեսում»: Դեռ շատ տարիներ առաջ «Հանդեսը» հատուկ հոդված նվիրեց Շյուցի գիտական գործունեությանը: Մենք հույս ունենք, որ նա այսօր և այսպես էլ նորից կաշխատակցի մեր պարբերականին: Անվանի գիտնականի ուսումնասիրություններն ու հոդվածները աչքի են ընկնում իրենց խորությամբ ու ինքնատիպությամբ: Այդպիսիների թվին են պատկանում նաև այն աշխատությունները, որոնք նվիրված են հայ ժողովրդի պատմության և մշակույթի հարցերին: Շյուցը անգնահատելի դեր խաղաց մասնավորապես միջնադարում Արևելյան Եվրոպայում հաստատված հայ գաղթաբնակների պատմության լուսաբանման գործում: Շնորհավորելով Հայաստանի Ակադեմիայի արտասահմանյան անդամ էղ. Շյուցի ծննդյան 80-ամյակը, ցանկանում ենք նրան երկար տարիների առողջություն և նորանոր հաջողություններ իր փալլուն գործունեության մեջ:

Ամբողջ պրտով ու երախտագիտությամբ ողջունում ենք մեր ժողովրդի անկեղծ բարեկամ, Հայաստանի Հանրապետության Ազգային Ակադեմիայի արտասահմանյան անդամ, պրոֆեսոր

էղմոնդ Շյուցին՝ նրա ծննդյան 80-ամյակի առթիվ, — ասաց ԳԱԱ ակադեմիկոս Վ. Նալբանդյանը:— Հայ գիտական հասարակությունը շնորհակալութեամբ գլուխ է խոնարհում մեր սիրելի գործընկերոջ պատկառելի վաստակի առաջ, որը ահա մի քանի տասնամյակ է, ինչ գիտական բարձր մակարդակով, բացառիկ ավյունով ու անմնացորդ նվիրումով աշխարհի ժողովուրդներին հաղորդակից է դարձնում հայոց պատմության, մեր ազգային հոգևոր մշակութային անանց արժեքներին՝ վերստին ու կրկին շեշտելով նրանց նշանակությունը համաշխարհային քաղաքակրթության առաջընթացի տեսակետից:

Ջերմորեն ողջունելով մեր սիրելի հոբելյարին, մաղթենք նրան քաջառողջություն, արեւատունություն, անձնական երջանկություն, նորանոր հաջողություններ՝ նրա հայանպաստ բեղմնավոր գործունեության մարզում:

ՀՀ ԳԱԱ ակադեմիկոս Գ. Ղարիբջանյանը ընդգծեց, որ էղմոնդ Շյուցի անունը հայտնի է որպէս հայագիտության և քաղաքականության, նա ոչ միայն հիանալի տրամաբանությամբ է հայոց լեզվին, այլև ակտիվորեն մասնակցում հայ-հունգարական բարեկամական կապերի ամրապնդման գործին: Մոտ 30 տարի նա արտասահմանյան երկրների հետ բարեկամության և համագործակցության Հայկական ընկերության համակարգում գործող «Հայաստան—Հունգարիա» ընկերության անդամ է: Մեծ ծառայություն ունի «Հունգարիա—Հայաստան» ընկերության ստեղծման և նրա տպագիր օրգան՝ «Արարատ» հանգեսի հրատարակության գործում: Շյուցը Երևանում գործող Շանդոր Պետեֆիի բարեկամների ակումբի պատվավոր անդամ է: Վերջերս նրա ծննդյան 80-ամյակի օրերին «Հայաստան—Հունգարիա» ընկերության նիստում նա հանդես եկավ հայոց լեզվի մասին հետաքրքիր զեկուցմամբ: Պատմեց այդ ուղղությամբ Հունգարիայում կատարված աշխատանքների մասին: ՀՀ ԳԱԱ Գիտական տեղեկատվության կենտրոնը հրատարակել է Շյուցի մատենագիտությունը և նրա հայագիտական աշխատությունների ժողովածուն, այժմ էլ պատրաստում է նրա հայագիտական անտիպ գործերի ժողովածուն:

Այսօր ինձ երջանիկ առիթ է պատահում ինչպես է վիճակվել Երևանի պետական համալսարանի պատմության ֆակուլտետի պրոֆեսոր Գաբրիելյանի կազմի և ողջ ուսանողության անունից ջերմորեն շնորհավորել Ջերմոնդ Շյուցին 80 և հայագիտական գործունեության 50-ամյակի առթիվ, — իր ելույթում ասաց Համալսարանի պրոֆեսոր Բ. Հարությունյանը: Հայ պատմիչների հրկերը, հայկական բաղմաթիվ այլ աղբյուրներ, մասնավորապես հայատառ ղփչադական ձեռագրերը դարձել են Ջերմոնդի համար քուլտուրական, մասնավորապես հունգարական ցեղերի պատմության այլևայլ խնդիրները և շատ ու շատ այլ հարցեր: Մեծ և անորոշանալի են Ջերմոնդի ծառայությունները զուտ հայագիտական խնդիրների ուսումնասիրության բնագավառում: Շնորհավորելով Ջերմոնդի 80-ամյակի առթիվ, ցանկանում ենք քաջառողջություն, երջանկություն, ստեղծագործական երկար և բեղուն կյանք և մարդկային ամենայն բարիք:

Մատենադարանի ղեկավարության և կոլեկտիվի անունից ելույթ ունեցավ պատմ. գիտ. դոկտոր Վ. Գրիգորյանը: Ակադ. էդ. Շյուցը Հայաստանում իր հայագիտական աշխատանքները սկսել է Մատենադարանում և ևրկար տարիներ եղել մեր ընթերցողը: Մեր գրադարանին նա նվիրել է իր բոլոր գիտական հրատարակությունները, որոնք հայագիտական և արևելագիտական մնայուն աշխատություններ են: Դրանց մեջ կուլտուրայի առանձնացնել նրա ղփչադագիտական հետազոտությունները, որոնք կարևոր նշանակություն ունեն ոչ միայն այդ մեռած լեզվով գրված սկզբնաղբյուրների, այլև Ղրիմում և Հնդկաստանում հաստատված հայ գաղթականների պատմության հետազոտման համար: Շյուցը զբաղվել է նաև Ամստերդամի հայ տպագրության պատմությամբ, գրել է միջնադարյան հայ գրականության համարաբարձի, Սերբոսի պատմության, խաչատուր Կաֆայեցու ժամանակագրության և այլ հարցերի մասին: Նրա ուսումնասիրությունները նոր խոսք են գիտության մեջ:

ՀՀ ԳԱԱ ակադեմիկոս Վ. Միքայելյանն ասաց. — Ակադեմիկոս Շյուցը եվրոպական դասական հայագիտության նշանավոր ներկայացուցիչներից է: Լայն ու բաղմազան է նրա հայագիտական ուսումնասիրությունների շրջանակը՝ հայ ժողովրդի պատմության միջնադարյան շրջանի խնդիրներ, բանասիրություն-տեսաբանություն, հայ-ղիջադական առնչակցություններ, լեզվաբանություն: Նշված բնագավառներում Շյուցի կատարած ցանկացած աշխատանքը նոր խոսք է հայագիտության մեջ, խթանում է շատ հարցերի նորովի մեկնաբանմանը: Հարգելի պրոֆեսորի գիտական հետազոտությունների յարձր մակարդակի նախապայմաններից մեկը նրա լեզվական հարուստ գիտելիքներն են, մի շարք լեզուների իմացությունը:

Ջերմորեն շնորհավորելով հորեկյարին՝ Հնադիտության և ազգագրության ինստիտուտի փոխտնօրեն, բանասիր. դիտ. դոկտոր Ս. Հարությունյանը մասնավորապես ասաց. ակադեմիկոս Լեւոնի Շյուցի հետ ծանոթացել և մտերմացել եմ տակավին 1960-ական թթ. կեսերին, երբ նա հետազոտական նպատակներով առաջին անգամ այցելեց Երևան իր տիկնոջ հետ: Այնուհետև, իրերի բերումով, նրանց ուղեկցեցի Քրիլիսի՝ ծանոթացնելով տեղի հայկական պատմական ու մշակութային արժեքներին, որոնց նրանք վերաբերվում էին բացառիկ ուշադրության և ակնածանքով: Հետագայում պրոֆեսոր Շյուցը քանիցս վերայցնեց Երևան, դիտական նորանոր աշխատանքներով առավել խորացնելով հայ-հունգարական պատմական կապերի ուսումնասիրությունը: Լեւոնի Շյուցը ոչ միայն մեղանում, այլև Հունգարիայի դիտական շրջաններում վայելում է բացառիկ հեղինակություն:

Մեծ գիտնականի աշակերտների անունից խոսք ասաց Անահիտ Սիմոնյանը: Էդմոնդ Շյուցը անվանի դիտնական է ոչ միայն Հունգարիայի պատմության, հայագիտության, այլև թուրքադիտության, արևելագիտության, համեմատական լեզվաբանության բնագավառներում: Նրա անունը հայտնի է ոչ միայն Հունգարիայում և Հայաստանում, այլև աշխարհի շատ հայագիտական կենտրոններում: Պրոֆեսոր Շյուցի շնորհիվ և նրա միջոցով հայ ժողովրդի պատմությունը, լեզուն և մշակույթը տասնամյակներ շարունակ ներկայացվել են հունգար ժողովրդին: Նրա ղեկավարությամբ աճել է հունգարացի հայագետների սերունդ, որն այսօր էլ իր նշանակալի ներդրումն է կատարում երկու ժողովուրդների մշակույթների փոխհարստացման գործում: Այսօր արժանվույնը պետք է մատուցել նրա սաներից մեկին՝ Պալ Սալմաշին, իր կատարած անյնահատկի թարգմանչական և գրականագիտական գործունեության համար, որի շնորհիվ հայ գրականությունը ներկայացվեց տարբեր ժողովածուներում և անթոլոգիաներում: Հունգարիայում ազգային դարձրեց այսօր հունգարահայ գաղաթը սկսեց հրատարակել «Արարատ» երկլեզու շաբաթաթերթը, որի մշտական հեղինակներից և թղթակիցներից են Շյուցի սաները՝ Սալմաշի Պալը, Կրայնի Պիտոշկան ու հունգարահայ երիտասարդ սերնդի ներկայացուցիչները:

Նիստի վերջում ելույթ ունեցավ հորեկյարը: Մեծ պատիվ եմ համարում ինձ համար, — ասաց նա, — որ միջազգային բաղձաթիվ դիտաթողովներում ներկայացնում եմ հայագիտությունը: Առանց հայ ժողովրդի, աշխարհի հնագույն ժողովուրդներից մեկի պատմության ուսումնասիրման, անհնարին կլինի գաղափար կազմել արևելյան քաղաքակրթության մասին, առանց հայկական աղբյուրների չի կարելի ամբողջացնել Մերձավոր Արևելքի, Փոքր Ասիայի և Կովկասի բաղձադարյան պատմությունը: Շատ դժվար է պատկերացնել, թե ինչպես պետականությունից միջոց դրկված, օտար բարբարոս տիրապետության տակ ընկած մի ժողովուրդ կարողացել է սակավել և պահպանել այդպիսի հսկայական գրականություն, մեծ պատմագրություն, որը կարող է շարժել շատ և շատ ժողովուրդների բարի նախանձը:

Հայագիտական մեր աշխատանքները Հունգարիայում նպատակ ունեն ոչ միայն մեծացնել հետաքրքրությունը հայոց պատմության և հայ մշակույթի նկատմամբ, այլև ավելի ամրապնդել հայ և հունգար ժողովուրդների բարեկամությունը, որի ակունքները գնում են դեպի դարերի խորքը: Իմ կատարածը համարում եմ ոչ շատ, այդ պատճառով էլ անգամ առաջացած տարիքիս խոստանում եմ ինձ համար նվիրական այս ասպարեղում գործադրել ամենայն ջանքեր:

Ն. Ի.